

I risultâts dal 14^t rapuart di Alma Laurea a promovin l'ateneu

Cui che si indotore a Udin al va prin a vore

Il 54,4 par cent dai indotorâts tal Ateneu furlan al cjate un lavôr a un an di cuant che a àn cjapat il titul, intant che la medie taliane e je dal 47,8 par cent

A un an dal otigniment de laurea il 54,4% dai laureâts de Universitât di Udin al risulde a vore, a front de medie nazionâl dal 47,8%. Plui in particolâr, a un an dal otigniment dal titul, i laureâts trienâi che a lavorin a son il 48,7% a front dal 44,1% a nivel talian e i laureâts magjistrâi il 65,7% a front dal 56,2% a nivel nazionâl. I dâts a vegnin sù dal 14^t Rapuart su la condizion ocupazionâl dai laureâts di AlmaLaurea (www.almalaurea.it), un consorzi che al met adun 64 ateneus talians. La investigazion, che e à cjapât in considerazion plui o mancul 400 mil laureâts a nivel nazionâl e 3.790 laureâts dal Ateneu di Udin, e evidenzie ancje i dâts su la ocupazion dai laureâts a trê agns de laurea: in chest câs, par Udin la percentuâl di chei a vore e va sù al 78,1% cuintri la medie nazionâl dal 69,7%.

Grande sodisfazion de bande dal retôr Cristiana Compagno «pai risultâts simpri miôr a pet de medie nazionâl, e che un an daûr chel altri a confermin lis capacitâts formativis otimis dal Ateneu di Udin, cognossudis dal marcjât dal lavôr a nivel nazionâl». In ogni câs, a front di une situazion taliane che e mostre cemût che i zovins laureâts a son ancjemò pôcs (tra i 25 e i 34 agns a son laureâts 20 talians su 100, a front dai 37 de me-

die Ocse, i 26 de Gjermanie, i 41 dai Usa e i 43 de France), e un aument de disocupazion dal 16 al 19% pai laureâts trienâi e dal 18 al 20% pai laureâts specialistics. Compagno no scuint «il pinsir pal futur dai zovins, a front di un cuadri ocupazionâl di dificoltât pai zovins ancje laureâts». «E chest - al sotlinee il retôr - in cuintritindiece

udinês di prin nivel a rivin in medie ae laurea a 25 agns, un an prin a pet de medie nazionâl. Di chei a vore, il 35,8% si dediche in maniere esclusive al lavôr e il 13% al coniughe il lavôr cu la laurea magjistrâl. Il 45,4% al calcole la proprie laurea tant zovevul intal lavôr che al fâs. Il 50,2% al va indevant cui studis e al è iscrit a un cors di laurea magjistrâl - l'83% intal stes Ateneu di Udin - , e il 44,6% di lôr al motive tâl sielte pal miorament des pussibilitâts di cjatâ lavôr. I laureâts di prin nivel de Universitât di Udin a vuedagnin in medie 1022 euros, cuintri la medie nazionâl e je di 942 euros.

Laureâts magjistrâi. In medie pai laureâts magjistrâi, che a rivin ae laurea a 27 agns, a coventin 3 mês di timp par cjata il prin lavôr. Chei che no lavorin e a cirin lavôr a son il 20,4% a front de

medie nazionâl dal 30%. E se il 46,8% al riten la laurea magjistrâl tant zovevul intal lavôr fat, il 36,6% dai laureâts magjistrâi udinês al note un miorament intal propit lavôr dovût ae laurea, e, in particolâr, pal 65,4% dal pont di viste des competencis professionâls. Il vuedagn al è prossim ae medie nazionâl: 1076 euros mensii, cuintri 1056 a nivel nazionâl.



Une lauree a Udin. Giulia Degano si indotore in Sciencis dai servizi giuridics.

nete a pet di ce che al sucêt in chei altris País europeans, dulà che, intai moments di crisi, al contraisi de ocupazion, si regjistre la cressite de cuote di impleâts a alte cualificazion. In Italie la flession di chest dât e testimonee la esistence di un impuariment culturâl che al podarà vê des consecuencis impuartantis pal disvilup dal nestri País».

Laureâts trienâi. I laureâts